

四庫全書

史部

欽定四庫全書

史部

萬壽盛典初集

進表
凡例
目錄
奏摺

詳校官宗人府府丞_臣寶光

編修_臣程嘉謨覆勘

總校官知縣_臣楊懋珩

校對官編修_臣沈清藻

謄錄監生_臣章玉輅

欽定四庫全書

恭纂

萬壽盛典初集告成

進表

大學士

臣馬齊

臣松柱

臣蕭永藻

臣

王掞等恭

承

勅旨纂修

萬壽盛典初集告成謹奉

表上

進者

臣

等誠歡誠忭稽首頓首

上言伏以璇符肇祉榮河開龍馬之禎玉厯凝庥紫

極煥星虹之彩重華大德位祿名以壽而彌尊

圓蓋無私元亨利以貞而益久大人法天行健

宇宙長春君子應地含弘岡陵竝固巍巍蕩蕩

至化與上下同流翼翼綿綿永命共乾坤一氣

祥延華渚記表環樞和溢康衢圖傳擊壤疇稱

五福原本於洛書詩頌九如沿流為繪事惟茂
實允揚乎簡冊斯休光聿炳乎丹青欽惟

皇帝陛下

經天緯地

左義右軒

靜探禮樂之源

動法雷霆之奮

文教誕敷於有截

武功震疊於無垠仗旄鉞以行誅連戡三孽迅鑒旂
而問罪立靖西陲烽燧永銷都護拓臨邊之府
版圖式廓提封標跨海之疆悉子悉臣同車書
而一尉候來王來享奉正朔而輯圭璋盡裡郊
饗

帝之誠紫壇昭事懋

祈穀重農之典元日親行展敬

園陵肅歲時之孝享承歡

長樂竭冬夏之清溫

問夜求衣虔臨庶政

卑宮菲食總攬萬幾視四海猶戶庭運天下如指掌
蠲租賜復養賢崇老之詔史不絕書越漠踰沙梯山

航海之珍府無虛月濬川陂澤

指方略而禹甸咸寧慎法卹刑

布渙汗而湯羅頻解暑耕寒織每厘

宸衷十雨五風輒縈

睿慮捍大災而興大利

功過平成後民樂而先民憂

惠深懷保加以

統承洙泗

道接唐虞

集羣聖之大成

冠百王而首出

挾圖書之秘興究貫三才

闡雅頌之精微推原四始胸羅象緯潛通七曜之編
手按方輿洞燭九州之勢

綸音渾噩雲漢昭回

奎畫輝煌鳳鸞翥道竝該乎游藝

聖兼擅於多能內外臣工經眸即識古今紀載流覽不

忘大邑穹壤而靡遺細析毫芒而無間雖抗六
典之鴻議不足比測淵深備九籍之瓌詞詎能
贊揚美盛者矣昨者歲在昭陽月當姑洗值萬

福來同之日正

六旬大慶之期慶霄晴朗以舒光景曜淑清而啟旦羣
工拜揚於鷺序多士忭舞於芹宮卒伍額手於
軍屯商旅謳吟於市路南北萬四千里皆如江
漢之朝宗郡國百九十州咸若星辰之拱極以
逮重譯貢琛之使依風請吏之徒莫不稽首趨
廷稱觴叩闕斯時也

皇上朝萬國而闢虞門

御六龍而回文囿執爿虎士警蹕停聲帶劍鷗冠辟
除罷唱髦倪雜沓企踵而仰

舜顏士女駢闐連袂而瞻

堯顙山鳴萬歲殷地以徹天日耀五雲懸晨而不夜珠
幢絳節晝靄琳宮法曲仙音飄颺金界香焚夾
道爐煙瑞霧俱霏綵綯交達繡幃彤霞一色九
芝萃秀競產於

帝池雙舸呈斑來馴於

內苑於是百僚獻頌聿宣鍾石之聲率土歌風並上
升恒之祝適哉皇哉美矣至矣而我

皇上方且却鴻名而不受履至德而弗居願以億姓安
為

一人之安即以

皇極福為庶民之福普施

大賚廣沛

洪仁類錫

天潢重衍榮滋於藩服秩增在位更推優異於舊臣
免賦則三載一周恩覃蔭屋造士則兩闡特設
化被髦儒法網弘開犴戶遍生綠草帑金大布
龍驤盡沐春波而且

頌瑤宴以引高年

賜大酺而歡黎兆黃髮兒齒咸飫

禁厨玉斚兕觥親勞

帝胄沃澤霑乎海宇太和洽於人心含氣欣欣若耘

耷之逢甘雨懷情款款譬草木之值春風自炎
黃而降未都其床即開闢以來罕聞斯盛允宜
彰施於毫素陋唐家封禪之圖點染於鉛朱嗤
周室旅獒之畫

誥謨制勅竝勒銀繩文賦詩歌都裝錦軸輯

萬壽之盛典垂一代之鴻編原任戶部侍郎臣王原祁

修纂於前詹事府詹事臣王奕清踵事於後計

歷三稔而周彙集百二十卷全書告成恭呈

御覽熊熊寶氣下燭西崑爛爛文光仰騰東壁將見無
疆

聖歷六十年甲子方新不老大椿八千歲春秋常在圖
皆據實非誇銀甕金船言必援經遠婉赤文綠
字臣等謬忝綸扉濫塵政府幸際

都俞之盛世欣逢

壽考之昌辰揚勝事於璿圖願添

帝籙表鴻徽於瓊版祇頌

堯年剏厠初成裝潢始就高文黼繪通昭

聖代之光華傳彩開雕備覩萬方之燕喜捧琅函而欲

舞挹綳帙以騰歡臣等無任瞻

天仰

聖踴躍懽忭之至謹奉

表恭

進以

聞

康熙五十六年正月初一日

金史紀事本末

卷二十一

三

道表

欽定四庫全書

恭纂

萬壽盛典初集各奏摺

康熙五十三年正月初八日 臣王原祁謹

奏為欣逢

聖壽之昌期宜備

萬年之盛典恭請

俞旨纂修以布萬方永垂億世事康熙五十二年三月

十八日恭逢

皇上六旬萬壽喜

天甲之初周慶

皇恩之大沛者庶歡呼而赴

闕街衢結綵以迎

鑾十七日進

宮鹵簿之儀以及夾道衢歌之盛臣恭承

俞旨謹繪長圖已經鈎成初本進呈

御覽奉

旨萬壽圖畫得甚好無有更改處欽此即領絹鈎摹正
本外臣竊惟自古有圖則必有史圖以象形藏
策府而傳億載史以紀實示臣民而布萬方在
皇朝盛典隆恩自炳於

起居之注而臣下瞻

天仰

聖尤望有紀盛之書臣受

恩深重既繪

萬壽長圖尤願恭紀

萬壽盛典

睿藻之輝煌

恩綸之廣大典禮之詳明歌頌之洋溢俱宜修輯成書

傳布永久臣年雖逾七十部務之暇尚可兼理

臣子編修臣王謩供職翰林正宜效力編纂修

撰臣王敬銘向隨臣學畫亦宜一體效力伏思

是書係

聖朝鉅典不敢草率編摩臣前掌院學士任內素知編修臣查嗣瑮嵇魯鈞儲在文修撰臣王世琛皆勤慎可任纂修其收掌擬即派候補待詔臣曹曰瑛所有

萬壽圖中龍棚經棚計共五十餘處仍率泠枚等照依書式另畫刻本列諸卷中則圖紀具陳開卷瞭然用以昭示四方永垂萬世伏乞

皇上俯允

臣請俾天下臣民普同瞻仰慶祝

萬壽無疆恭候

命下其書中一應事宜容臣同纂修官員恭擬凡例摺

奏請

旨臣不勝踴躍懼忭之至謹

奏

本日奉

旨依議

二十一日臣王原祁謹

奏臣於正月初八日具摺恭請纂修

萬壽盛典奉

旨鈔寫著選新進士字好的用欽此

萬壽科新進士情願效力者甚多臣就見聞所及選得
王賚等二十四名具摺呈

覽本日奉

旨著王原祁會同揆叙湯右魯挑選十名穀用了欽此

欽遵於本月二十一日將進士王賚等二十四
名傳齊公同考試挑選得王賚溫儀鄒允煥周
本治陳溥高輝張榮源陸琮于本宏車敏來十員
到館辦事

三月十一日臣王原祁謹

奏臣荷蒙

聖慈允臣所請纂修

萬壽盛典懽躍無似臣自愧卑陋不足導揚盛事黼藻

昌期惟有勉竭駑駘罔敢稍懈謹同纂修官編

修臣查嗣琛臣嵇曾筠臣儲在文修撰臣王世

琛臣王敬銘并率臣子編修臣王暮恭擬凡例

條目進呈

御覽伏候

聖訓指示以便編輯臣又照依書式另畫

萬壽圖刻本謹呈畫稿九張并乞

聖裁訓定即陸續繪圖刊刻恭

進謹

奏

本日奉

旨交南書房翰林看

十五日

南書房議覆

發下王原祁等擬纂

萬壽盛典條目凡例臣等詳議欽惟

皇上功德超邁久道化成恭遇

六十萬壽人心天意景應協從一時隆典亘古未有是

非紀述詳備不能形容盛美今所擬條目首紀

御製諭詔詩賦二紀

聖德三紀典禮四紀

恩賚五紀慶祝六載臣下歌頌詩文分類周悉體例亦當其所擬凡例內第八則擬於每條之下附以頌語臣等伏念

皇上政教號令如日月經天江河行地臣下謹紀實事已足垂示萬古況

盛德大業亦非贊揚之所能盡作頌一條似可不必又第六則擬悉錄臣民所進

萬壽詩文臣等伏思是書之成為我

朝盛事千古美談凡臣下所進歌頌雖皆出於忠愛
之誠亦應擇其詞義之典雅明順者採錄編次
不宜槩載徒事卷帙浩繁餘條所擬應如所請
臣等愚陋淺識伏候

聖裁謹

奏

本日奉

旨依議

康熙五十四年正月二十二日臣王原祁謹

奏竊臣奏請纂修

萬壽盛典荷蒙

聖慈俞允隨恭擬條例進

呈奉

旨交南書房詳議發下欽此隨移各衙門咨取檔案臣

同纂修侍講臣查嗣琛編修臣嵇魯筠臣儲在

文修撰臣王世琛臣王敬銘臣男編修臣王譽

及校錄進士臣王賚溫儀鄒允煥周本治陳溥
高輝張縈源陸琮于本宏車敏來等十員朝夕
編輯罔敢逸懈伏見

帝德高厚

天慶綿長臣民沐浴

膏澤歌舞歡忭之狀珥筆難名形容莫罄已編初稿茲
謹繕寫先將恭紀第一條

宸藻二卷第二條

聖德六卷第三條典禮十四卷及慶祝中之圖畫圖記

八卷恭呈

御覽其中恐有體例未合詞句未當應行刪改處伏乞
聖訓指示恭候

命下遵行將全書陸續繕寫進

呈更有請者五十三年七月侍講臣查嗣琛奉

命提督順天學政其分纂之書臣素知有翰林院編修
今陞庶子臣李紱學問優長已到館代纂理合

奏明伏乞

睿鑒令其在館辦事其畫圖刻本現在刊刻謹

奏

本日奉

旨是交南書房翰林看

二十九日戶部員外郎臣趙之垣謹

奏為

萬壽盛典告成恭請校刻以垂永久事恭惟我
皇上峻德登三鴻功咸五得位得祿得名得壽

一人歛福以錫民乃文乃武乃聖乃神四海稱觴而進
頌歡聲徹地愷澤敷天爰

咨彙輯以成書竝付丹青以示象一時

盛典千載竒逢伏念臣世受

皇恩歷膺

聖眷祖孫父子疊被

寵榮一家之受恩益厚終身之仰答愈難早夜捫心涓

埃莫報況臣以翦劣庸材初任今職臣父兩廣

總督臣趙宏燦諄諄誨臣恪共職守雖勤慎不

遑終慚糜祿茲於本部侍郎臣王原祁纂修館

中竊見

萬壽盛典一書已經告成臣自愧無文未附謳歌於卷

未顧念留傳不朽應付棗梨近見

御製諸書多有恭請刊刻者臣至愚極陋未諳文理即
署辦事之餘校讐考對或堪效力為此不揣愚
拙冒昧

奏請伏乞

聖慈俯鑒微忱准臣在寓開局恭候

頒發定本校對刊刻次第進呈

御覽犬馬私情庶得少申萬一緣臣父道遠未能具摺

奏摺

奏摺

臣謹

奏

本日奉

旨好准他奏

四月十七日臣王原祁謹

奏臣同纂修官侍講學士臣李紱編修臣嵇曾筠臣

儲在文修撰臣王世琛臣王敬銘臣男編修臣

王暮等恭紀

萬壽盛典初集正月恭進三十卷又前進畫圖二卷共
三十二卷今又纂得二十八卷繕錄稿本恭呈
御覽恐有體例未合詞句未當應行刪改處伏乞

聖訓指示恭候

欽定四庫全書



萬壽盛典初集

卷四

命下再行詳細校對發刊初集擬共一百二十卷恭載宸藻及臣等撰次者已成六十卷其歌頌詩文亦擬分

為六十卷容臣等採錄編輯繕寫進

呈謹

奏

本日奉

旨交南書房翰林查看

十月二十六日詹事府詹事加二級臣王奕清

謹

奏

萬壽畫圖及

萬壽盛典兩年以來開館繪畫纂修先已進呈

盛典六十卷葉蒙

皇上允戶部員外臣趙之垣效力刊刻尚有歌頌詩文
六十卷亦已選擇鈔錄將成俟進呈之後一并

交與趙之垣刊刻至書中小圖有在館修書修
撰臣王敬銘同冷枚校閱發刻已成者五十四
頁未完者九十四頁其大絹畫圖於康熙五十
二年十二月進呈稿本五十三年四月領到絹
三十丈遴選得畫圖人員徐玫等及

萬壽科武會元臣金昆協同冷枚共十二人盡心繪畫
今已畫成十二丈未成者尚有十八丈現在趨
工竊念臣雖未諳畫理然累世蒙

恩全家荷

寵分應效力況

萬壽昌期普天同慶衢歌華祝遠盛堯年渝舞嵩呼遙

逾漢日

翠輦經行之處躋大地於春臺

皇恩覃被之餘登八荒於壽域真頌賜之莫罄亦圖繪
之難名願見為榮躬逢斯幸今書畫局中一應

事宜臣願接任同臣姪編修臣暮照前料理臣

未敢擅便相應請

旨伏候

聖裁謹

奏

本日奉

旨好准他奏

十二月二十八日 臣王奕清謹

奏 臣蒙

恩接管

萬壽書畫事宜所有

盛典中歌頌六十卷已經選擇謄稿恭呈

御覽其中如有應行刪改之處伏候

聖裁指示連前所

進六十卷全書共一百二十卷謹

奏

本日奉

旨交南書房翰林看

五十五年三月十七日刑部雲南司郎中臣趙
之垣謹

奏正月十三日

南書房發出臣第二次進呈

萬壽盛典一套已經照簽修改訖今又刻成四十三卷
至六十卷共一十八卷恭呈

御覽伏乞

皇上恩賜指示遵行抑臣更有請者

萬壽盛典一書創自

聖朝昭垂萬古臣以一介微員謬膺校刊重任

恩榮已極伏查翰林院編修臣蔣漣校刊

御製文集卷後竝得附列山東巡撫臣蔣陳錫及編修

臣蔣漣父子姓名倘蒙

皇上格外加恩准臣父兩廣總督臣趙宏燮竝臣叔直

隸總督臣趙宏燮及臣之垣姓名附於卷末則

臣父子叔姪既已身沐

殊恩兼得附名典冊生生世世永矢報稱於靡涯矣臣
不勝感激欣幸之至謹

奏

本日奉

旨准刻將此一集交南書房對看

四月初十日詹事府詹事臣王奕清謹

奏臣荷蒙

恩命准臣接管

萬壽館書畫事宜正值

盛典初集告成臣伏讀循覽具見我

皇上壽與天齊福如川至八方華祝萬國嵩呼苟非深

仁厚澤久道化成何以航海梯山普天同慶一

至於此誠振古未有之盛事亦曠世未見之奇

書共繕草本一百二十卷先後進

呈

御覽奉

旨發南書房校正隨付郎中臣趙之垣刊刻將次告成

臣伏查衍聖公臣孔毓圻刊刻

幸魯盛典曾請

御製序文弁於卷首今

盛典一書敷揚率土臣民稱觥祝嘏之誠將來昭示中

外輝耀古今必得

御製序文以垂永久俾萬世臣民咸知壽國壽民至意
每歷十年更增一帙巍巍煌煌與天無極臣等
幸與編摩曷勝榮寵所有現在本館監修分纂
校錄收掌人員及臣兄侍郎臣原祁臣姪編修
臣 纂應否仰邀

聖恩附名簡末伏候

聖裁至

養心殿監造

南書房校對翰林亦祈請照各館書成列名之例一
并刻入再臣接任本館之日用有臣表兄官學
教習期滿候選知縣徐榮疇經管書局校對刊
刻畫圖可否同翰林院待詔曹曰瑛列名收掌
之末未敢擅便伏候

上裁又臣於康熙五十四年十月內進有

萬壽書畫事宜一摺亦應照例附入合併聲明謹

奏

本日奉

旨交南書房議奏

同日刑部雲南清吏司郎中臣趙之垣謹

奏為懇

恩列名事竊臣蒙

皇上准令校刊

萬壽盛典榮寵已極但臣學識淺陋兼辦部中事務恐
負校刊重任幸有副榜貢生候選教諭錢元昌
同臣協力磨對勤慎周詳伏乞

皇上恩准附名收掌之列俾得叨預

聖朝盛典榮垂久遠戴

德靡涯矣謹

奏

本日奉

旨交南書房翰林

二十八日

南書房議覆

發下王奕清奏摺一件奏稱

萬壽盛典初集刊刻將次告成恭請

御製序文以垂永久等因臣等公同詳議

萬壽盛典一書皆載述

皇上聖德神功及臣民祝嘏典禮非

幸魯盛典比例況首卷已載

皇上詔諭詩賦似無容更加

御製序文或令大學士作進書表文一道列於目錄之前似為得體臣等愚陋無知所見如是伏候

聖裁又奏請開列

養心殿監造職名

南書房校對職名應否列名之處出自

聖恩非臣等所敢擅議至其本館監修分纂人員王掇等應准其照例開列并王奕清所請校對圖畫

之徐榮疇趙之垣所請校對刊刻之錢元昌
亦准其開列可也謹

奏

本日奉

旨所奏是

康熙五十五年四月二十八日奉

旨開列

萬壽盛典初集監修總裁校勘分纂校錄收掌校刊監

造諸臣職名

監修官

經筵講官文淵閣大學士兼禮部尚書加七級臣王揆

總裁官

原任經筵講官戶部左侍郎加三級臣王原祁

欽定四庫全書

纂修職名

日講官起居注詹事府詹事兼翰林院侍講學士加級臣王奕清

南書房校勘官

日講官起居注詹事府詹事兼翰林院侍講學士加級臣蔣廷錫

日講官起居注翰林院侍講學士加一級臣張廷玉

日講官起居注翰林院侍講學士加一級臣陳邦彥

日講官起居注翰林院侍讀加一級臣趙熊詔

右春坊右中允兼翰林院編修加一級臣王圖炳

翰林院檢討加一級臣張照

翰林院編修加一級臣薄海

分纂官

翰林院侍講學士加一級臣李紱

原任翰林院侍講加一級臣查嗣璫

翰林院編修加一級臣嵇曾筠

翰林院編修加一級臣王謩

翰林院編修加一級臣儲在文

翰林院修撰加一級臣王世琛

翰林院修撰臣王敬銘

校錄官

萬壽科進士內閣中書舍人臣王賚

萬壽科進士臣溫儀

萬壽科進士臣鄒允煥

萬壽科進士臣周本治

萬壽科進士臣陳溥

萬壽科進士臣高輝

萬壽科進士江南鎮江府儒學教授臣張榮源

萬壽科進士臣陸琮

萬壽科進士候補主事臣于本宏

萬壽科進士臣車敏求

收掌官

翰林院待詔臣曹曰瑛

官學教習候選知縣臣徐榮疇

副榜貢生候選教諭臣錢元昌

校刊官

總督廣東廣西提學司事務兼糧餉兵部右侍郎兼都察院右副都御史臣 趙宏燦

總督雲南提學司事務兼糧餉兵部右侍郎兼都察院右副都御史臣 趙宏燮

刑部雲南清吏司郎中臣 趙之垣

監造官

養心殿總監造六品官臣 趙昌

養心殿總監造臣 王道化

武英殿總監造兼會計司員外郎臣 伊都立

武英殿總監造兼佐領臣張常住

武英殿總監造臣李國屏

原任雲南巡撫臣佟毓秀

欽定四庫全書

纂修職名

欽定四庫全書

萬壽盛典初集

凡例八則

御製詩文如雲漢昭回日星炳耀記載莫殫贊頌難名

恭逢

萬壽聖節

綸詔頻頒

宸章丕煥悉皆敷言成訓吐辭為經敬登卷端昭垂萬

世一則

聖德隆盛富有日新因事見端一一度越前古尊養備萬
方之奉保泰乘五位之乾撝謙則屢却徽稱敦化
則獨先孝弟皆由至德積中動臻美善敬輯成編
以見德福相因亦洪範推本皇極之意也二則

典禮崇鉅萬國瞻仰先列

朝賀威儀

鑾衛出入次及頒

詔中外祭告山川以逮養老大酺諸事典則喬皇神人

胥慶 三則

恩賚優渥慶溢八紘宗室外藩親疎普給公卿庶尹大
小均霑貤封錫蔭以眷舊勞省刑賞兵以廣慈
惠士則兩闡特設遞慶十年租則三載一周全
蠲四海博施廣被澤不勝書網列目從猶虞掛
漏四則

華祝嵩呼普天同慶歌衢擊壤率土抒忱遠近

雲集

京師恭祝

萬壽者如江漢之朝宗如風雨之和會不約而至不期而同誠亘古所未聞史冊所未見既繪長圖復分紀上下二卷凡

京城內外臣僚耆庶不下億千萬人不啻數十百處合寰海於堂階躋春臺為壽域流傳盛事莫罄形容其直省名山之祝釐文武大僚之入覲分

類就班各書本末至於

聖朝不納貢獻不徵瑞應而事有當載亦謹識數端用

見天人悉協云

五則

頌德歌功詩書竝載欣逢

萬壽慶叶昌期凡屬臣工膺賜恐後下逮草野具有謳

謠衆體畢陳共申忠愛擇其尤雅謹附末編

六則

是書所紀悉考各衙門檔案章奏據實排纂仿

紀事本末體式各為起訖各編年月其事有原

始義有連及例得先後備書七則

皇上功德巍煥超邁古今峻極於天贊揚難罄祇述纂
修之意各附本條一以徵運會之隆一以誌遭
逢之盛雖管窺蠡測無當

高深惟就親所覩聞紀諸簡策聿襄盛典嗣後每閱十
載賡續成書以衍億萬年無疆之祝焉八則

欽定四庫全書

史部十三

萬壽盛典初集目錄

政書類二 儀制之屬

卷一

宸藻一

卷二

宸藻二

卷三

聖德一 孝德

欽定四庫全書

萬壽盛典
目錄

卷四

聖德二 謙德一

卷五

聖德二 謙德二

卷六

聖德二 謙德三

卷七

聖德三 保泰

卷八

聖德四教化

卷九

典禮一 朝賀一

卷十

典禮一 朝賀二

卷十一

典禮二 鑾儀一

卷十二

典禮二 鑒儀二

卷十三

典禮三 祭告一

卷十四

典禮三 祭告二

卷十五

典禮四 頒詔一

卷十六

典禮四 頒詔二

卷十七

典禮四 頒詔三

卷十八

典禮五 養老一

卷十九

典禮五 養老二

卷二十

典禮五

養老三

卷二十一

典禮五

養老四

卷二十二

典禮六

大酺

卷二十三

恩賚一

加恩宗室

卷二十四

恩賚二

加恩外藩一

卷二十五

恩賚二

加恩外藩二

卷二十六

恩賚三

加恩臣僚

卷二十七

恩賚四

加恩耆舊一

卷二十八

恩賚四

加恩者舊二

卷二十九

恩賚五

蠲賦一

卷三十

恩賚五

蠲賦二

卷三十一

恩賚五

蠲賦三

卷三十二

恩賚五

蠲賦四

卷三十三

恩賚六

開科一

卷三十四

恩賚六

開科二

卷三十五

恩賚六

開科三

卷三十六

恩賚七 賞兵一

卷三十七

恩賚七 賞兵二

卷三十八

恩賚七 賞兵三

卷三十九

恩賚八 恤刑

卷四十

慶祝一圖畫一

卷四十一

慶祝一圖畫二

卷四十二

慶祝一圖畫三

卷四十三

慶祝二圖記一

卷四十四

慶祝二圖記二

卷四十五

慶祝二圖記三

卷四十六

慶祝二圖記四

卷四十七

慶祝二圖記五

卷四十八

慶祝二 圖記六

卷四十九

慶祝二 圖記七

卷五十

慶祝三 名山祝釐一

卷五十一

慶祝三 名山祝釐二

卷五十二

慶祝四 大臣入覲一

卷五十三

慶祝四 大臣入覲二

卷五十四

慶祝五 貢獻一

卷五十五

慶祝五 貢獻二

卷五十六

慶祝五

貢獻三

卷五十七

慶祝五

貢獻四

卷五十八

慶祝五

貢獻五

卷五十九

慶祝五

貢獻六

卷六十

慶祝六

瑞應

卷六十一

歌頌一

皇子

卷六十二

歌頌二

大臣一

卷六十三

歌頌三

大臣二

卷六十四

歌頌四 大臣三

卷六十五

歌頌五 大臣四

卷六十六

歌頌六 大臣五

卷六十七

歌頌七 大臣六

卷六十八

歌頌八

南書房諸臣

卷六十九

歌頌九

詞臣一

卷七十

歌頌十

詞臣二

卷七十一

歌頌十一

詞臣三

卷七十二

歌頌十二 詞臣四

卷七十三

歌頌十三 詞臣五

卷七十四

歌頌十四 詞臣六

卷七十五

歌頌十五 詞臣七

卷七十六

歌頌十六

詞臣八

卷七十七

歌頌十七

詞臣九

卷七十八

歌頌十八

詞臣十

卷七十九

歌頌十九

詞臣十一

卷八十

歌頌二十 詞臣十二

卷八十一

歌頌二十一 詞臣十三

卷八十二

歌頌二十二 詞臣十四

卷八十三

歌頌二十三 詞臣十五

卷八十四

歌頌二十四

詞臣十六

卷八十五

歌頌二十五

詞臣十七

卷八十六

歌頌二十六

詞臣十八

卷八十七

歌頌二十七

詞臣十九

卷八十八

歌頌二十八

詞臣二十

卷八十九

歌頌二十九

詞臣二十一

卷九十

歌頌三十

詞臣二十二

卷九十一

歌頌三十一

詞臣二十三

卷九十二

歌頌三十二

詞臣二十四

卷九十三

歌頌三十三

詞臣二十五

卷九十四

歌頌三十四

詞臣二十六

卷九十五

歌頌三十五

詞臣二十七

卷九十六

歌頌三十六

詞臣二十八

卷九十七

歌頌三十七

武英殿諸臣一

卷九十八

歌頌三十八

武英殿諸臣二

卷九十九

歌頌三十九

蒙養齋諸臣

卷一百

歌頌四十

教習進士館諸臣一

卷一百一

歌頌四十一

教習進士館諸臣二

卷一百二

歌頌四十二

教習進士館諸臣三

卷一百三

歌頌四十三

京職諸臣

卷一百四

歌頌四十四

外任諸臣

卷一百五

歌頌四十五

武職諸臣

卷一百六

歌頌四十六

舉貢諸臣一

卷一百七

歌頌四十七

舉貢諸臣二

卷一百八

歌頌四十八

舉貢諸臣三

卷一百九

歌頌四十九

舉貢諸臣四

卷一百十

歌頌五十

生監諸臣一

卷一百十一

歌頌五十一

生監諸臣二

卷一百十二

歌頌五十二

生監諸臣三

卷一百十三

歌頌五十三

生監諸臣四

卷一百十四

歌頌五十四

生監諸臣五

卷一百十五

歌頌五十五

生監諸臣六

卷一百十六

歌頌五十六

生監諸臣七

卷一百十七

歌頌五十七

生監諸臣八

卷一百十八

歌頌五十八

生監諸臣九

卷一百十九

歌頌五十九

生監諸臣十

卷一百二十

歌頌六十

直省耆庶

臣等謹案

萬壽盛典初集一百二十卷康熙五十二年三月恭
逢

聖祖仁皇帝六旬萬壽時

南書房諸臣所纂輯也凡六門曰

宸藻分詔諭為一卷文賦頌詩為一卷曰

聖德分孝德謙德保泰教化四目曰典禮分朝賀鑾儀祭告頒詔養老大酺諸目曰

恩賚分宗室外藩臣僚耆舊蠲賦開科賞兵恤刑諸目曰慶祝則有圖有記以及名山祝釐諸臣朝貢之儀分列焉曰歌頌則首列

皇子次逮大臣詞臣及於生監耆庶靡不採錄焉仰惟我

聖祖仁皇帝德盛道隆福祚悠久實為從古創見其

時臣民涵詠皞熙之化普天率土歡呼赴

闕衢歌巷舞之盛亦為從古所未有而伏讀

詔諭每以萬姓安天下福為兢兢是書之成非徒以

紀

昇平之鉅典正可以俾萬世臣民仰見

至聖持盈保泰之盛心為

景祚延洪之大本也書中圖二卷於遐邇臣庶迎

鑒呼祝之儀纖悉具備亦自有圖繪以來所罕覲者

其稿本初為宋駿業所創後王原祁等重加
修潤而成一展卷而閭閻殷阜之象者孺歡
躍之忱恍若目接而身遇者今悉依原本鈎
摹故幅度視他卷稍贏焉乾隆四十五年十
月恭校上

總纂官

臣紀昀

陸錫熊

孫士毅

總校官

臣

陸費

墀

欽定四庫全書

史部

萬壽盛典初集卷一
三

詳校官宗人府府丞臣寶光鼎

編修臣程嘉謨覆勘

總校官知縣臣楊懋珩

校對官編修臣沈清藻

謄錄監生臣沈以顯

欽定四庫全書

萬壽盛典初集卷一

宸藻一

詔諭

恩詔

詔曰朕五十餘年上畏下懼以敬以誠覃思上理且以
一心對越

上帝未嘗瞬息稍懈賴

旻穹之孚祐

祖宗之蔭庇邇來國家蓄積有餘民間年歲頗豐朕以涼德勉思

列聖體大順公慮患操心數景運於休期弘基業於光顯夙夜冰兢宵旰靡遑屈指春秋年屆六旬矣覽自秦漢以下稱帝者一百九十有三享祚綿長無如朕之久者朕之虛薄良深歉仄何敢少有倦怠有負孜孜圖治之初心況在位久者始勤終忽往往不能垂令名於後所以乾惕之懷彌殷深危之念愈切兼之承平歲久幅員

日廣戶口漸增風俗益薄朕與臣鄰夙夜在茲以剛健
中正惇大成裕謙尊有終持盈保泰猶恐未能豈自滿
假少有逸豫朕以天下為心天下當亦體朕之衷各矢
蓋誠皆敦孝敬型仁講讓守已奉公務勤職業官僚胥
勸人士奮興使遐邇之均被小大之咸周以享昇平之
福此非朕之德乃

天地

祖宗之賜今朕式慰中外臣民之請博考典禮大沛膏澤

用稱朕躋世於仁壽之至意所有應行事例開列於後
以下諸款俱未載入於戲錫民以福為皇極得壽之徵御衆以寬
乃萬國咸寧之本布告天下咸使聞知

康熙五十二年三月十八日

諭戶部

朕恭膺

天眷祇承

列祖鴻庥統御萬方子育兆庶厯懷至治宵旰靡寧幸際
海宇同風邊隅向化遐邇中外帖然衽席之安者是皆
仰荷

天地

祖宗福祐之所致也方朕八齡踐祚之初

太皇太后問朕何欲朕對臣無他欲惟願天下治安生民樂業共享太平之福而已迄今五十年矣惓惓此心未嘗一日少釋每見民為邦本勤恤為先政在養民蠲租為急數十年以來除水旱災傷例應豁免外其直省錢糧次第通蠲一年者屢經舉行更有一年蠲及數省一省連蠲數年者前後蠲除之數據戶部奏稱通共會計已逾萬萬朕一無所顧惜百姓足君孰與不足朝廷恩澤不施及於百姓將安施乎朕每歲供御所需槩從儉

約各項奏銷浮冒亦漸次清釐外無師旅饟饋之煩內
無工役興作之費因以歷年節損之儲蓄為頻歲渙解
之恩膏朕之蠲免屢行而無國計不足之慮亦恃此經
畫之有素也比來省方時邁已歷七省南北人民風俗
及日用生計靡不周知而民生所以未盡殷阜者良由
承平既久戶口日繁地不加增產不加益食用不給理
有必然朕洞矚此隱時深軫念爰不靳數仁用甦民力
明年為康熙五十年思再沛大恩以及吾民原欲將天

欽定四庫全書

萬壽盛典初集

卷一

四

下錢糧一槩蠲免因衆大臣集議恐各處需用兵餉撥解之際兵民驛遞益致煩苦細加籌畫悉以奏聞故自明年始於三年以內通免一周俾遠近均霑德澤直隸奉天浙江福建廣東廣西四川雲南貴州各巡撫及府尹所屬除漕項錢糧外康熙五十年應徵地畝銀共七百二十二萬六千一百兩有奇應徵人丁銀共一百一十五萬一千兩有奇俱著察明全免竝歷年舊欠共一百一十八萬五千四百兩有奇亦俱著免徵其五十一

年五十二年應蠲省分至期候旨行民間舊欠既經豁免嗣後每年額徵錢糧務如數全完儻完不及額或別有虧空託稱民欠則負國甚矣即責令督撫以下官員償補仍從重治罪夫地方大吏以及監司守令皆與吾民誼均休戚者也誠克體朕孳孳保赤之懷實心愛養力杜侵牟朘削則閭閻咸得衣食滋殖無有失所而為官吏者亦身名俱泰豈非昇平樂利之盛事歟爾部移文各督撫諭旨到日即刊刻頒布徧示窮簷令咸知悉特

欽定四庫全書

萬壽盛典初集
卷一

五

諭康熙四十九年十月初三日

諭戶部

朕誕膺大統撫育寰區夙夜孜孜不自暇逸凡以為民也勤圖利濟休養安全即無水旱之虞時布寬仁之政蠲租除賦務使遐方率土無不均霑或值雨暘偶愆出帑發粟多方賑恤其有益於吾民者靡勿備舉而亟行之朕慙慙周詳之至意前四十九年所頒諭旨申晰甚明原欲將五十年天下錢糧通行蠲免以諸臣集議恐需用兵餉撥解之際兵民驛遞益致煩苦故自五十年

為始三年之內全免一周除將直隸奉天等九直省康熙五十年地丁錢糧一槩蠲免及歷年舊欠錢糧一併免徵外山西河南陝西甘肅湖北湖南各撫屬除漕項外五十一年應徵地畝銀共八百四十萬四千兩有奇人丁銀共一百二十萬八千一百兩有奇著察明全免並歷年舊欠共五十四萬一千三百兩有奇亦俱著免徵其五十二年應蠲省分至期候旨行民間舊欠既經豁免嗣後每年額徵錢糧務如數全完儻完不及額或

有虧空託稱民欠即責令督撫以下官員償補仍從重
治罪該督撫須實心力行期副朕惓惓愛民之意如有
指稱事故侵欺科派事發之日必嚴行究治諭旨到日
徧示城郭鄉村深山窮谷咸使知悉爾部即遵諭行特
諭康熙五十年十月初三日

諭戶部

朕宵旰孜孜勤求民瘼永惟惠下實政無如除賦蠲租除每歲直省報聞偶有水旱災傷照輕重分數豁免正供仍加賑卹外將天下地丁錢糧自五十年為始三年之內全免一周使率土黎庶並被恩膏除將直隸奉天浙江福建廣東廣西四川雲南貴州及山西河南陝西甘肅湖北湖南各直省康熙五十年五十一年地丁錢糧一槩蠲免歷年舊欠錢糧一併免徵外所有江寧安

徽山東江西各撫屬除漕項外五十二年應徵地畝銀共八百八十二萬九千六百四十四兩有奇人丁銀共一百三萬五千三百二十五兩有奇俱著察明全免其歷年舊欠銀二百四十八萬三千八百二十八兩有奇亦並著免徵計三年之內總免過天下地畝人丁新徵舊欠共銀三千二百六萬四千六百九十七兩有奇各該督撫務須實心奉行體朕軫念民生至意如有侵欺隱匿使惠不及民借端科派者督撫嚴行察叅督撫失

察事發之日亦嚴加究治諭旨到日立即徧示城郭鄉
村咸使知悉爾部即遵諭行特諭康熙五十一年十月
初三日

欽定四庫全書

入
不
品
上
書
錄
註
本
卷一

諭禮部

朕御極以來惟欲萬國乂安上則敬

天法

祖下則垂令名於後世孜孜然以致鬚髮盡白心血耗散
歷盡憂勤蕩平險阻自古帝王在位不久享年不遐者
論者往往歸於別故而未諒帝王實不勝其難實不堪
其勞憂懼所迫以致短祚也朕反覆思維帝堯固辭華
封之祝必似朕臨蒞年久之君方能知聖人言之有實

也餘則斷不能知矣朕本涼德惟賴

祖

考得國之正積福之深在位五十餘年壽屆六十今憂勞
倍增血氣漸憊惟恐愈久而力不支願不遂以至不全
終始一世勤瘁俱屬徒然朕惟惕厲而已竝未留心祈
求甲子之周也覽禮部請旨之奏悉係虛文無有實際
朕惟願臣清子孝兄友弟愛人人皆讀正書勉盡職業
國安民治盜賊寧息各以血誠實意為朕六袞慶祝朕

即嘉納此外儀文朕無所嗜亦無所好這所奏不准行
康熙五十一年十月十九日

諭吏部尚書管倉場事務富寧安戶部侍郎塔

進泰嚙敏圖

朕今日自暢春園來詢問米價云比往年稍貴緣今歲天下各省人民來集者甚多米價故較往年翔貴現今倉內米數充足先發一萬石照時價減糶則來集人民可以賤價得米而京城米石又得盈餘於民生大有裨益若一萬石不敷再發一萬石糶賣亦止需米二萬石而已爾等將價值定議具奏即發米自明月初一日糶

起至月終止特諭康熙五十二年二月二十九日

諭王貝勒大臣九卿詹事科道

朕昨進京見各處為朕六十壽慶賀保安祈福祝延者
不計其數朕實涼德自覺愧汗從來帝王之治天下罔
不以民生為念若為一己之私即不能擴而充之矣朕
若先知必令止之今已成矣難毀衆志夜來思之達旦
朕所以為天下萬國蒼生之主者萬姓安即朕之安天
下福即朕之福若能祈禱雨暘時若家給人足則朕安
寢飽食可以却病延年此朕之求福非有妄想也傳之

各處凡有祝延者必求雨暘時若萬邦咸寧為先朕已
老矣有若無實若虛夙夜匪懈履薄臨深之念與日俱
增豈敢自有滿假乎特諭康熙五十二年三月初一日

諭南書房翰林

朕聞各省為祝萬壽來者甚衆其中老人更多皆非本地人時屆春間寒熱不均或有水土不服亦未可知爾等即傳與漢官等儻有一二有恙者即令太醫院看治務得實惠以知朕愛養老者之至意特諭康熙五十二年三月初八日

諭南書房翰林

各省祝萬壽老人俱於十七日在西直門外本省龍棚下齊集接駕十八日齊至前朝外聽禮部指地方行禮行禮後若再至龍棚恐城門擁擠老年之人實有未便況十七日朕進宮時經過各省龍棚諸老人已得從容瞻仰十八日行禮後諸老人不必再至龍棚下接駕爾等傳與各省漢官徧諭各省老人知悉特諭康熙五十二年三月十一日

諭大學士溫達等

今歲天下老人為朕六旬大慶從數千里匍匐而來如何令其空歸欲賜伊等宴然後遣回著查八旗滿洲蒙古漢軍漢人大學士以下民以上年逾六十五歲者奏聞在本月二十二三兩日擬定一日賜宴預為奏聞便於備辦內有艱於動履不能前來者聽其勿來能來者俱令其來即不能來者應得分例朕必另行頒賜詔內有恩賜老人一款凡在恩賜款下者於各名下註明已

在恩賜之列至於奴僕不在所查數內今時令漸暖賜宴後即令伊等各回原籍耕種再查八旗滿洲蒙古漢軍以至包衣佐領下不論官員閒散人等年七十以上老婦奏聞俟老人賜宴後再定一日送至

皇太后宮賜宴內有艱於動履不能前來者聽其勿來能來者俱令其來若有貧乏不能來者著各該管處協助車馬使之前來俱開真實年歲不可捏報特諭康熙五十二年三月十七日

諭宗人府

王以下至宗室子孫內年二十歲以下十五歲以上人
品聰慧能備衣服者揀選六七十人送至朕前以備授
飲老人使令朕之子孫亦皆派出青帶之人一員不用
特諭康熙五十二年三月十七日

諭大學士溫達等

年老諸大臣內於

世祖章皇帝時居官者惟宋犖田種玉而已今年齒老邁
雖閒居林下朕覩之不禁軫恤宋犖現有尚書品級在
身田種玉著給與工部尚書銜俱准給誥封宋犖田種
玉著酌加宮保以示朕不忘耆舊之至意特諭康熙五
十二年三月二十五日

諭各省老人

書稱文王善養老者孟子云七十者非帛不煖非肉不飽帝王之治天下發政施仁未嘗不以養老尊賢為首務近來士大夫只論做官之賢否移風易俗之效驗所以不暇講究孝弟之本心朕因今日之會特宣此意若孝弟之念少輕而求移風易俗其所厚者薄而其薄者厚矣爾等皆是老者比回鄉井之間各曉諭鄰里須先孝弟儻天下皆知孝弟為重此誠移風易俗之本禮樂

辭讓之根非淺鮮也昨日甘霖大沛四野霑足朕心大
悅爾等毋誤農時速回本地特諭康熙五十二年三月
二十五日

萬壽盛典初集卷一

欽定四庫全書

萬壽盛典初集卷二

宸藻二

文

賦

頌

詩

溥仁寺碑文

康熙五十二年朕六旬誕辰衆蒙古部落咸至闕庭奉
行朝賀不謀同辭具疏陳懇願建刹宇為朕祝釐朕思
治天下之道非奉一己之福合天下之福為福非私一
己之安徧天下之安為安柔遠能邇自古難之我朝

祖功

宗德遠服要荒深仁厚澤淪及骨髓蒙古部落三皇不治
五帝不服今已中外無別矣論風俗人情剛直好勇自
百年以來敬奉釋教竝無二法謹守國典罔敢隕越不
識不知太和有象朕每嘉焉鑒其悃誠重違所請念熱
河之地為中外之交朕駐蹕清暑歲以為常而諸藩來
覲瞻禮亦便因指山莊之東無關於耕種之荒地特許
營度為佛寺陶甃於治取材於山工用無輸輓之勞金

錢無踰侈之費經始訖功告成不日歷觀往史遙溯前
朝版籍有區幅員未廣茲熱河之奧壤迺紫塞之神臯
名號不掌於職方形勝無聞於地志朕以涼德撫育萬
方邊壤之外悉為畿甸諸藩於此建寺介福率先恐後
無小無大罔不來同觀我觀民思維此理特題額曰溥
仁將欲汪濊之澤均霑率土升恒之慶廣洽普天徧覆
含弘民胞物與咸躋壽考各遂生成藉諸藩祝朕之忠
誠為萬方祈純嘏之錫爰記斯文勒諸貞石

[illegible]

髻髻山玉皇廟碑記

距京師百里有山曰髻髻隸懷柔縣兩峯高矗望之如
髻故得是名自元明以來號為近畿福地因上有碧霞
元君之祠是以每歲孟夏四方之民會此祈禱者駢肩
疊跡不可勝計古稱積高之區神明所舍况茲山北倚
紫塞南拱神京岡巒迴合蜿蜒磅礴而鍾秀於是則其
神氣之感數有靈應理固然也康熙五十二年值朕六
旬誕期諸臣民就茲山瞻禮為朕祝禧因共建玉皇閣

以祈延壽經始於癸巳三月十八日落成於甲午三月十八日而請記其事朕御極五十餘年夙夜孜孜惟體上帝仁愛斯民之心以撫綏天下幸四海清晏年穀順成朕與天下臣民得共享太平之福者皆

上帝之眷佑也朕之祇承於

上帝者唯在天下臣民之永安而天下臣民之祝願於

上帝者惟在朕躬之永年然則茲閣之建即

上帝之陟降鑒觀於是乎在矣爰立貞珉載其始末以傳

永久云

欽定四庫全書



萬壽盛典初集

卷二

--	--	--	--	--	--	--	--

時和年豐慶祝賦

有序

朕誕辰免慶賀行禮者亦多年矣近因六旬羣臣固請
又有恩綸故勉從衆意前一日進宮受賀頒詔往返二
日各省慶祝萬壽設壇誦經不止億兆朕握樞臨極章
句之能素不為務但自幼齡讀書屬文每覽大儒雖不
以華麗為尚亦間有作者似取吟詠以託性情因而有
感用時和年豐慶祝賦七字為韻賦曰

幸昇平之泰運歷歲月之良時季春移序而大端化俗

淑氣氤氲而諸政無為恐德弗類朝乾是規求賢每形
乎寤寐治體未致夫昌期同心翼贊是賴多士恭已臨
軒憑茲九司主不虛諛而啟千秋不拔之業臣去私饋
而建百世無窮之基此前聖之至理後人之不思也爾
迺揚鑾青野設輦鳴珂太昊斯啟大樂在和衡塗峻闢
雲殿義路廣開倡歌新花受雨露以爭艷春鳥應載陽
而舞多衆芳芬鬱麗景遮那都人士女仰望撫摩遠近
長幼同歡重科於是音發簫鼓聲雜管絃百戲盈阡陌

以鬪勝羣黎積岐路而各先勿驚勿動而民望如草不
震不騰而神保貴天結綵繽紛惜傷物力之勞甚鋪筵
絡繹止禁珍饈之易牽淳風沕穆萬物逢年此帝王所
當知其然也又迺駢羅羽衛渺瀰仙宮金莖玉露福地
倥侗論芝田之可種拂珠樹而還童服氣鍊精暖碧臺
之錯落守神凝思叅紫府之穹崇此皆耗精氣乎虛廓
廢政事之全功戒黷祀弗欽之旨嗟思玄蕩志之風矣
若夫徧列傳燈廣懸法鏡會衆善之竝臻來靈祇之協

慶布德延福高標之慧雲師導能仁衆妙之西聖香風
普拂花宮真印俱颺斗柄詳考形影之實恐遺有漏之
行於是明三綱斂五福法天地之無私叶神人之祕祝
養老尊賢重農貴粟含生欣欣長世樸樸祈萬寶之順
成望彼蒼之戩穀願永永其若茲凝休徵於第祿原夫
泰運升恒因而以濟謙尊有終恒久勿替先稼穡之維
艱惠鰥寡之是務陽順叙而不愆陰應期以相附沛甘
澍以咸周扇和風而廣布聞善言於詩書乃予懷之所

慕寫冀望之孔殷爰抽毫而作賦

景福宮頌

慈顏懿教素髮銘箴福祉靈壽遐齡喜深松筠玉樹繞
砌清音淑德瑤幹萱枝歲林揮毫敬頌永日葵心

--	--	--	--	--	--	--	--

寧壽宮頌

天開壽域地會瑤池南極添算北辰降慈螽斯衍慶白
鶴來儀躬勞著訓樂不可知恭獻長頌託句腐詞

吏部尚書引年致仕宋瑩因朕六旬壽慶祝來
京事畢五月內回本鄉朕念舊臣特書七言
律一首以紀其盛云爾

受社林泉頤養年世家耆德自天全少時佩劍登三殿
久任蘇臺撫九阡行儉銓衡有令譽拔才籲俊入清篇
修齡善得人間壽雪作鬚眉興欲仙



五月上旬避暑熱河塗中喜麥秋盈野雨暘得

時賦七言一律

畏暑乘輿出鳳城
麥秋預卜望庚晴
千村共飽連年稔
萬井同懽比屋盈
谷有靈泉山脉壯
道無峻嶺馬蹄輕
教之易俗先忠孝
蕃息編氓在厚生

嘉禾雙穎

夜雨初晴日素商驅暑天園林變綠葉穀熟卜豐年勿
訝嘉禾瑞豫看貴粟先秋成各地異大有載書篇

萬壽盛典初集卷二